

**ZAPISNIK SA 9. SJEDNICE UO-a SAMOSTALNOG SINDIKATA RADNIKA u BHRT-u,
održane 28. 09. 2015. godine**

Prisutni: D. Smital; N.Vrgoč; N. Arnautović; N. Čordalija; Dž. Kahrlica; T. Maličbegović; M. Grbo; E. Čengić; G. Brkić; A. Teskeredžić; N. Žuga; N. Hodžić; M. Džihanić; M.Muratović; A. Kolar

Odsutni: S.Topalić; B.Hamzagić; - neopravdano. M. Baručija; M. Tufo; – opravdano

Dnevni red:

1. Zapisnik sa 8. sjednice UO
2. Unutrašnja pitanja SSR u BHRT-u (žalba Babović, podružnica ITC-a i reprezentativnost)
3. Aktuelna situacija u BHRT-u
4. Organizacija Skupštine
5. Mjesečni izvještaj blagajnika
6. Kvartalni izvještaj Grawe osiguranje
7. Podjela pomoći
8. Razno

AD 1 Predloženi dnevni red uz manju korekciju je jednoglasno usvojen, prešlo se na analizu zapisnika sa 8. sjednice, koji je uz ispravku/razdvajanje odluka takođe jednoglasno usvojen.

AD 2 Što se tiče žalbe S. Babovića, D. Smital je upoznao prisutne da je kolega odustao od očitovanja o njoj na sjednici UO.

D. Smital je iznio želju ITC-a Banja Luka da se sastanak podružnice ITC-a, sa ciljem osnivanja povjereništva i izbora povjerenika održi u Banja Luci, kao i da UO SSR u BHRT-u prdstavlja D. Smital. UO se složio sa zahtjevom kolega iz Banja Luke i odobrio putne troškove za sastanak povjereništva podružnice ITC-a.

D. Smital je informisao članove UO o dodjeli jednokratne pomoći za kolege kojima nije produžen ugovor o radu, a uključeni su i saradnici iz sektora Imovina. U skladu sa Odlukom koja je donesena na 8. sjednici, UO je jednoglasno verifikovao imena i iznos od 200 KM po osobi.

Što se tiče dokumentacije za reprezentativnost, ista je kompletirana i prosljeđena ministarstvu pravde.

AD 3 Predstavnici UO SSR u BHRT-u su još jednom obavili razgovor sa generalnim direktorom o mogućnosti produženja ugovora za par uposlenih, ali su dobili isti odgovor isti kao i na prethodnom sastanku, da to nije moguće.

E. Čengić je pripremio saopštenje/reakciju na saopštenje UO BHRT-a, a u vezi sa mogućnošću smanjenja plata i uz malu korekciju isto je jednoglasno usvojeno.

G. Brkić je obrazložio dopis u vezi postavljene plazme u RK-a, koja ometa rad četvoro uposlenih na direktnim prenosima, i upoznao prisutne da je poznato rukovodstvo o ovom problemu, ali na žalost još ništa nije poduzeto.

D. Smital je upoznao prisutne o dopisu koji je stigao od radnika iz odjela trasporta, sektora Imovina o dodatnom poslu vozača specijalnih vozila i nakon duže rasprave zaključeno je da se sa postojećom dokumentacijom upozna pravni zastupnik Sindikata.

Takođe je zaključeno da se svi zahtjevi članova, prvo dostavljaju na konsultaciju povjereniku podružnice, a ako dođe direktno na UO SSR u BHRT-u, izvršni sekretar je dužan da upozna povjerenika sa istim, što je usvojeno sa 13 za i 1 suzdržanim glasom.

D. Smital je dodao da se objedine zahtjevi vozača i kolega iz PEP-a pa da se isti proslijedi generalnom direktoru.

Dž. Kahrica je predložio da se u dopis koji će se poslati generalnom direktoru doda rečenica o stanju opreme u pogonima, koja je zastarjela kako se ne bi događale povrede uposlenih.

Jednoglasno je prihvaćeno da se sa saopštenjem za javnost, kao i sa zaključcima UO upozna generalni direktor i zatraži sastanak s njim kako bi se riješili problemi koje imaju radnici.

Na molbu saradnika o ne isplaćenim honorarima, D. Smital je rekao da se treba pokušati inicirati isplata za iste.

AD 4 D. Smital je upoznao prisutne da je predsjednica Skupštine SSR u BHRT-u Nada Šimić istupila iz članstva sa 30.09. UO SSR u BHRT-u se usaglasio da prijedlog UO za predsjednika Skupštine bude Enes Čengić, a potpredsjednika Izudin Salčinović. Takođe je dogovoreno da se D. Smital i Nijaz Žuga sastanu sa advokatom i obave konsultacije na koji način sazvati Skupštinu. Zatraženo je i da se podnese finansijski izvještaj na Skupštini, a D. Smital će dogovoriti sa knjigovođom da se isti dostavi.

AD 5 Mjesečni izvještaj blagajnice je primljen k znanju.

AD 6 N. Vrgoč je upozнала prisutne o poslovanju sa GRAWE osiguranjem, i isti je primljen k znanju.

AD 7 Na ovoj sjednici je podijeljena pomoć za sljedeće članove: H. Rožajac – 1.000 KM; A. Gerin – 100 KM; N. Zukaj – 200 KM; F. Dedović – 100 KM i M. Šehić – 200 KM. G. Brkić i N. Čordalija su obrazložili zahtjeve kolega za pozajmice i nakon rasprave zaključeno je da nema mogućnosti da se istim dodijele, jer nije regulisano pravilnicima. M. Džihanić se obratila UO-u za pomoć, koja nije odobrena, jer nije u skladu sa pravilnikom.

UPRAVNI ODBOR
SAMOSTALNOG SINDIKATA RADNIKA U BHRT-u